

# In Downing Street geiht dat um Recycling

IN D' LUUR

**Karin Böhmer**

redaktion@on-online.de



15 Premierministers hett dat grote Britannien siet Winston Churchill hatt. Alleen sess in disse Johrdusend. Wi in Düütskland sünd eerst bi de daarde siet 2000. Wat sünd wi sühnig! In London worden de Amtstieden ok alltied körter. Liz Truss hett na 44 Daag in d' Sack hauen. Nu denken se in de Downing Street al över Recycling na. Villicht köönt se de Boris, de nich to bruken weer, nu doch noch bruken. De Saak schient de Englanners ut de Hand to fallen. In Oxford un Eton is nix mehr an Lüü to halen, as dat utsücht. Nu mögen de Insulaners woll doch umdenken muten. In dat Königshuus hullen se in de lesde Johren ja bedüüdend langer döör. Erst dree Koppen mit Kroon siet 1945. Charles III. hett so lang wacht. Nu kann he villicht beids maken.